



KEMENTERIAN PERALIHAN TENAGA  
DAN TRANSFORMASI AIR

# KENYATAAN MEDIA

## MALAYSIA DAN TURKIYE TUKAR SURAT HASRAT (*EXCHANGE OF LETTERS – EoL*), ERAT KERJASAMA PERALIHAN TENAGA

**PUTRAJAYA, 12 Februari 2025** – Kerajaan Malaysia melalui Kementerian Peralihan Tenaga dan Transformasi Air (PETRA) dan Kerajaan Republik Türkiye melalui Kementerian Tenaga dan Sumber Asli telah mengadakan sesi pertukaran Surat Hasrat (*Exchange of Letters - EoL*) bagi memperkukuh kerjasama dalam bidang peralihan tenaga sempena lawatan rasmi H.E. Recep Tayyip Erdoğan, Presiden Republik Türkiye, ke Malaysia pada 10 hingga 11 Februari 2025.

Kerjasama ini mencerminkan komitmen bersama kedua-dua negara dalam memajukan pembangunan tenaga lestari, meningkatkan keterjaminan dan keselamatan pembekalan tenaga, serta merangsang pertumbuhan ekonomi melalui pelaburan hijau. Bidang kerjasama yang digariskan dalam Surat Hasrat ini merangkumi pengoperasian pasaran elektrik, pengukuhan sistem grid, pembangunan grid pintar, peningkatan sumber tenaga boleh baharu, pemerksaan kecekapan tenaga, eksplorasi potensi tenaga nuklear untuk penjanaan elektrik, serta mekanisme pelaburan dan pembiayaan dalam sektor tenaga.

Kerjasama ini akan dilaksanakan melalui pelbagai platform seperti seminar, forum, perbincangan teknikal, lawatan kerja, pertukaran kepakaran dan pengetahuan teknikal serta pelaksanaan projek secara bersama dalam bidang berkaitan tenaga elektrik.

Kerjasama strategik ini adalah selaras dengan komitmen Malaysia untuk mencapai masa depan rendah karbon dan mampan seperti yang dinyatakan dalam Pelan Hala Tuju Peralihan Tenaga Negara (NETR). Malaysia berhasrat untuk mempercepatkan agenda peralihan tenaga dengan memanfaatkan kepakaran dari Republik Türkiye dalam bidang tersebut.

PETRA kekal komited memperkukuhkan kerjasama antarabangsa dan mengalu-alukan lebih banyak kerjasama dengan Republik Türkiye dalam sektor yang penting ini.

## **KEMENTERIAN PERALIHAN TENAGA DAN TRANSFORMASI AIR 12 FEBRUARI 2025**

---

Unit Komunikasi Korporat | Kementerian Peralihan Tenaga dan Transformasi Air (PETRA)  
Tel.: 03-8000 8000 | E-Mel: [ukk@petra.gov.my](mailto:ukk@petra.gov.my)

